



ՌՈՒՄ ԵԿԵՂԵՑՈՒ ՀԱԶԱՐԱՄՅԱԿԻ ՏՈՆԱԿԱՏԱՐՈՒԹՅՈՒՆ ՎԱՇԻՆԳՏՈՆՈՒՄ

Մայիսի 15-ին Վաշինգտոնում մեծ շուքով տոնվեց Ռուսաստանի քրիստոնեացման հազարամյակը:

ԱՄՆ-ի մայրաքաղաքի Ս. Նիքոլաս ռուսական եկեղեցում նույն առավոտ տեղի ունեցավ հանդիսավոր պատարագ և զոհաբանական մաղթանք, որին հաջորդեցին զանգակատան հիմնարկեքն ու ճաշկերույթը:



Ներկա էին 14 եկեղեցիների ներկայացուցիչներ: Հայ եկեղեցին ներկայացնում էր թեմական պատվիրակ գերշ. Տ. Բաբգեն եպս. Վարժապետյանը:

Նույն օրը, կեսօրից հետո, Եպիսկոպոսական եկեղեցու Մայր Տաճարում տեղի ունեցավ հազարամյակի պանծացման միջեկեղեցական էքումենիկ հանդիսավոր արարողություն՝ հազարավոր հանդիսականների ներկայությամբ:

Զույգ առիթներով, թեմական պատվիրակ սրբազանը արտահայտվեց ի դիմաց Հայաստանյայց եկեղեցու և հայոց թեմին, հատկապես ընդգծելով Վազգեն Ա Ամենայն Հայոց կաթողիկոսի և Ռուս Ուղղափառ եկեղեցու Պատրիարք Պիմենի եղբայրական սերտ հարաբերությունները:

ԹՂԹԱԿԻՑ